



Pou Biblikasyon Imedya: 30/09/2023

GOUVÈNÈ KATHY HOCHUL

GOUVÈNÈ HOCHUL BAY NOUYÒKÈ YO MIZAJOU APRE EVÈNMAN GWO LAPLI ISTORIK LA

MTA ap fè sèvis konplè nan rezo transpò li a samdi apre ekip yo te netwaye kondisyon inondasyon yo apre gwo lapli istorik nan rejyon metropolitèn nan

Eta dijans lan rete anvigè pou Vil New York, Long Island, ak rejyon Mid-Hudson lan apre gwo lapli sou yon peryòd ki depase 24 èdtan

Yo te rapòte plis pase nèf pou lapli nan Konte Nassau; sis a uit pou lapli nan kèk pati nan Vil New York; Yo te rapòte plis pase sis pou lapli nan Konte Westchester

Avètisman kont inondasyon an kontinye jiska samdi 12 P.M. pou Konte Bronx ak Westchester

Nou egzòte Nouyòkè yo pou yo pran prekosyon jiskaske avètisman kont inondasyon yo leve epi evite mache oswa kondui nan ma dlo inondasyon yo

Gouvènè Kathy Hochul, ak Prezidan ak Direktè Egzekitif Jeneral Otorite Transpò Metropoliten an (Metropolitan Transportation Authority, MTA), te bay yon mizajou sou tanpèt la jodi a bay Nouyòkè yo akoz seri gwo lapli a te lakoz inondasyon nan kèk pati nan rejyon sid eta a ki deplase nan direksyon lès eta a pandan lannwit. Byenke gen avès lejè ki ka retounen pandan tout maten an ak nan kòmansman apre midi a, kantite lapli yo jodi a pa ta dwe lakoz okenn menas inondasyon siplemantè.

Gouvènè Hochul te deklare yon Eta Dijans pou tout Vil New York, Long Island ak rejyon Mid-Hudson lan akoz gwo lapli te kontinye ap tonbe pandan tout vandredi. Yo te rapòte ofisyèlman plis pase nèf pou lapli nan Konte Nassau, epi yo te reapòte lapli total yo te depase uit pou nan Queens. Delij lapli a te jounen ki te pi imid nan kalandriye depi 1948 nan Ayopò John F. Kennedy Airport epi sa te lakoz inondasyon rapid nan rejyon an. Inondasyon rapid la te lakoz divès enpak sou deplasman ak sikilasyon ki lye ak tanpèt la jedi a vandredi lè lapli a te premye kòmanse a.

“Nou te obsève anpil lapli te tonbe nan yon peryòd tan ki kout, ki te lakoz anpil pwoblèm ki lye ak transpò ak kouran, men bòn nouvèl la sèke tanpèt la ap pase, epi nou ta dwe

wè degajman dlo nan wout yo jodi a ak aswè a,” **Gouvènè Hochul te deklare.** “Mwen ankouraje tout moun kontinye pratik ki sekirize pandan dlo inondasyon yo ap bese epi fè atansyon lè y ap deplase.”

Yon avètisman inondasyon rete anvigè pou Konte Bronx ak Westchester jiska midi samdi akoz menas inondasyon rapid ki kontinye nan zòn sa yo. Ajans eta yo kontinye ap bay sipò nan gouvènman lokal yo jan sa nesesè.

Anplis Alèt Inondasyon pou Bronx ak Westchester jiska midi jodi a, Alèt Inondasyon nan Zòn Kotyè yo anvigè. Ti inondasyon nan zòn kotyè yo toujou posib nan fen matine sa jiska bonè demen maten pandan peryòd mare wo yo avèk jiska yon pye inondasyon nan zòn kotyè Long Island, Westchester, ak Vil New York. Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan [alerts.weather.gov](#). Nou ankouraje Nouyòkè yo pou yo enskri pou NY Alert, sistèm alèt ijans gratis Eta a, nan [alert.ny.gov](#). Yo ka voye enfòmasyon ijans konte pa konte pa tèks oswa imèl.

Prezidan ak Direktè Egzekitif Jeneral MTA, Janno Lieber, te deklare, "Operatè bis eksepsyonèl nou yo te mete plis pase twa mil bis ap transpòte Nouyòkè pandan tanpèt la epi, malgre delij la, travayè metwo yo te kapab kenbe operasyon enpòtan yo epi repare sèvis konplè a rapidman. Mwen rekonesan ak izaje tren banlye yo te rive ale lakay yo yè swa, menm fas ak gwo lapli jeneralize yo, epi mwen rekonesan ak gouvènè a pou sipò san rete Eta a pandan tout kriz sa."

Lòt entèvansyon Ajans Eta a

Divizyon Sekirite Teritwa ak Sèvis pou Ijans yo nan Eta New York

Anba direksyon Gouvènè Hochul, Divizyon Sekirite Teritwa ak Sèvis Ijans (Division of Homeland Security and Emergency Services, DHSES) Eta New York la te aktive Sant Operasyon Ijans Eta a pou siveye aktivman kondisyon tanpèt la an tan reyèl epi sipòte demann asistans gouvènman lokal yo. Biwo Prevansyon ak Kontwòl Ensandi (Office of Fire Prevention and Control) Eta a te aktive Sant Operasyon Ensandi li yo pou deplwaye ekip sekouris yo alafwa nan Konte Nassau ak Konte Westchester pou ede nan entèvansyon ijans pou inondasyon yo. Yo te deplwaye douz ponp nan estòk DHSES yo vandredi nan Vil New York anvan tranzit yo, ak yon lòt sis ponp ki soti nan rezèv DHSES ke yo te deplwaye vandredi a nan LaGuardia pou ede nan ponpaj pak konbistib li a.

Depatman Transpò Eta New York

Anvan tanpèt la, fòs Depatman Transpò (Department of Transportation, DOT) a te netwaye drenaj tanpèt la ak goutyè yo aktivman pou asire ke dlo kontinye sikile. Kounye a ekip yo ap fè patwouy aktivman sou wout nan sid eta a yo epi y ap siveye kondisyon inondasyon yo, netwaye pye bwa ki tonbe yo epi y ap tann pou kondisyon inondasyon yo bese.

Inondasyon ap fèt sou wout yo nan tout Vil New York.

- Nan Hudson Valley gen fèmti sa yo:
- Bronx River Parkway Tou De Direksyon yo, nan Palmer Avenue, Yonkers
- Bronx River Parkway toude direksyon yo, nan Exit 21 - NY 119 - Tarrytown Road; Chatterton Avenue, White Plains
- Sprain Brook State Parkway toude direksyon yo, ant START ROUTE Sprain Brook State Parkway ak Exit - NY 100, Eastchester
- Bronx River Parkway nan Direksyon Nò, nan Cross County Parkway, Mount Vernon
- Sprain Brook State Parkway nan Direksyon Nò, nan Jackson Avenue, Greenburgh
- NY 117 Tou De Direksyon yo, nan Old House Lane, New Castle
- Saw Mill River Parkway toude direksyon yo, ant I-287; Ramp ak Exit 20 - I-87, Greenburgh

Nan Long Island gen fèmti sa yo:

- Tout wout yo rete ouvri
- Northern State Parkway nan direksyon lès nan Meadowbrook State Parkway – vwa gòch la inonde, DOT sou plas
- Long Island Expressway North Service Road toupre Lakeville Road – tout vwa yo inonde men ka itilize.
- Southern State Parkway nan direksyon Iwès toupre eechanjè Cross Island Parkway/Belt Parkway – vwa gòch ak dwat yo inonde, DOT sou plas
- Yo te retire pye bwa nan Wantagh State Parkway nan direksyon nò nan Sunrise Highway
- Wantagh State Parkway ak Bay Parkway – inondasyon degaje
- Rang nan Crooked Hill Road rive nan direksyon nò Sagitkos State Parkway – inondasyon degaje; DOT sou plas ak ponpaj

Siveye 511 pou enfòmasyon sou dènye kondisyon wout yo nan zòn ou an.

Otorite Transpò Metropoliten

Otorite Transpò Metropoliten an ap siveye kondisyon meteyowolojik yo deprè pou asire sèvis san danje ak fyab. Anplwaye MTA yo ap pare pou entèvni kont tout pwoblèm ki lye ak kondisyon meteyo yo.

Sèvis konplè t ap fonksyone nan Navèt 1, 2, 3, 4, 5, 6, 7, 42 St, A, C, E, F, G B, D, Q, M, J ak L jiska 9:00 p.m. vandredi swa. Liy N lan te rekòmanse sèvis konplè vè 5:40 a.m. apeprè, apre ekip yo te travay pandan nwit lan pou regle kondisyon inondasyon yo sou liy lan nan Brooklyn. Navèt Franklin lan te repran sèvis konplè a 6:25 a.m.

Sèvis limite nan Grand Central Terminal sou liy Hudson, Harlem ak New Haven te resotre vè fen lè depwent nan sware vandredi a. Sèvis pou ale epi soti nan tèminal la te sispann pandan lè apre midi yo akoz inondasyon ekstrèm seksyon Mott Haven lan nan Bronx, ki afekte toule twa liy yo. Metro-North te rive retabli sèvis konplè sou Liy New Haven lan vè 6:00 p.m. vandredi. Sèvis konplè a te repran sou liy Hudson ak Harlem yo yon ti tan apre 6:00 a.m. samdi 30 septanm.

Bis Vil New York te kontinye sèvis konplè, ak detou ki izole, pandan tout dire tanpèt la.

Long Island Rail Raid te restore sèvis sou Branch Far Rockaway ak Branch Long Beach la a 10:00 p.m. apeprè nan vandredi apre sispansyon pandan apre midi a akoz kondisyon inondasyon yo. Tout lòt branch yo te fonksyone nan orè yo oswa prèske, avèk reta ki dispèse nan sware a akoz klima a.

Kliyan yo ankouraje tcheke new.mta.info pou dènye mizajou sou sèvis, ak pou itilize prekosyon pandan y ap navige sistèm lan. Kliyan yo tou ta dwe enskri pou sèvis alèt an tan reyèl yo atravè mesaj tèks oswa imèl. Alèt sa yo disponib tou atravè aplikasyon MTA yo: MYmta ak TrainTime.

Otorite Thruway

Anplwaye Otorite Thruway (Thruway Authority) kontinye ap asiste ajans patnè ak kominote nan antouraj ki afekte pa inondasyon yo nan Konte Westchester. Divizyon Otorite Thruway New York la gen anplwaye epi l ap rete angaje nan entèvansyon kont tanpèt la pandan dire evènman an.

Lapolis Eta New York

Lapolis Eta a ap kontwole sitiyasyon an aktivman epi kowòdone avèk patnè nan DHSES, NYSTA, DOT ak lòt ajans yo. Lòt anplwaye yo ap konsantre efò yo sou otowout yo ak lòt zòn ki gen plis chans pou inonde yo. Gen yon ekip sekouris nan ka inondasyon ki gen 6 manm ki ekipe ak yon Idwoglisè ak yon Bato gonflab rijd ki deplwaye nan Konte Westchester k ap tcheke veykil ki anba dlo nan New Rochelle.

Yon lòt ekip sekouris nan ka inondasyon sou wout Westchester pou ranplase ekip aktyèl la a 3:00 pm epi nou gen yon 3yèm ekip k ap prepare pou deplwaman.

Depatman Sèvis Piblik

Sèvis piblik New York yo genyen apeprè 5,500 travayè disponib pou angaje nan evalyasyon domaj, efò entèvansyon, reparasyon ak restorasyon atravè Eta New York, pou evènman sa a. Pèsonèl ajans lan ap swiv travay sèvis piblik yo pandan tout evènman an epi sire sèvis piblik yo voye anplwaye apwopriye yo nan reyon ki gen pi gwo enpak yo.

1,800 kliyan nan reyon sid eta a san kouran kounye a akòz gwo lapli. Ekip evalyasyon domaj, reparasyon ak restorasyon ki soti nan konpayi sèvis piblik yo ap travay pou minimize ak repare tout enpak sou enfrastrikti sektè enèji, epi Depatman Sèvis Piblik la an kontak dirèk ak lidèchip operasyon sèvis piblik yo epi swiv repons ak efò restorasyon sèvis piblik yo.

Konsèy sekirite nan ka inondasyon rapid

- Pa janm eseye kondi nan yon wout ki inonde. Vire tounen epi fè yon lòt wout.
- Si dlo a kòmanse monte rapid bò kote ou, abandone machin lan imedyatman.

- Pa souzestime pwisans destriksyon dlo k ap kouri vit. De pye dlo inondasyon k ap kouri rapid pral fè machin ou flote epi dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou yon pon.

Pou jwenn plis enfòmasyon sou preparasyon pèsonèl ak kijan pou rete an sekirite pandan move tan vizite: dhses.ny.gov/safety-and-prevention.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)